

四庫全書

集部

欽定四庫全書

集部

敬業堂詩集卷十七

詳校官左中允臣塘五珠

助教臣常循覆勘

總校官庶吉士臣倉聖脉

校對官庶吉士臣吳裕德

賜錄監生臣徐彩

欽定四庫全書

敬業堂詩集卷十七

翰林院編修查慎行撰

冗寄集

起癸酉四月

盡十一二月

不到自怡園三年矣相國明公聞余至都復下榻
見招時唐實君亦以謁選北來樂數晨夕未幾實
君因人遠遊余旋應秋試倅舉京兆遂爾滯留自
夏歷冬大約園居之日多城居之日少東坡詩語

似為余設也

次韻答愷功二首

移牀來對好溪山只作漁樵共往還
癖愛文人知業慧未拋卷帙趁官閒
雲垂高幕藤花紫雨放新梢
笋籜班若向此中微領會詩情原在寂寥間

樹底泉聲竹外山清暉娛客竟忘還
魚無羨意鉤宜直
暮少爭心局自閒春去蘋洲風澹澹
雨來花徑土斑斑
畫圖光景分明記又掃攤書屋半間

時將移寓
自怡園

對雨戲效白樂天體四首

兩岸沙沈樹千帆浪拍天長風吹不斷獨鳥去無邊白
酒標旗濕紅鱗出網鮮此時如對雨最好是江船

忽聽笙歌起烟波何處尋四圍山漸澹一角日初沈捲
幔通荷氣停橈隔柳陰此時如對雨最好是湖心

一片秧針綠村村罷踏車黃梅多放鴨

鄉人以芒種買新鴨名黃梅鴨

翠剗盡鳴蛙種水牽菱蔓開門落棟花此時如對雨最

好是農家

竹色涼牕戶泉聲落珮環不知青嶂合長在白雲間窮
籠分茶早櫻衫挂壁閒此時如對雨最好是深山

唐實君作憎蠅詩可補歐陽賦所未備僕不復

關奇戲廣其意得五十韻

吾觀大化內鼓物同洪鑪介羽及昆蟲種類何各殊摻
羅到瑣碎終非磊落儒聊為更僕數庶用資揶揄飛者
為蜻蜓穴者為蟪蛄在戶為蠟蜎在簷為蜘蛛微明耿
熠燿背殼潛蟻蝓薄翅扇蝶蝶細腰祝蒲盧蠻或鳴於

泥蛇或歌於塗絡緯織作巧蠶蛻轉丸愚螳螂怒當輪
蟋蟀勇負嵎堆積走負板腥羶集元駒與人了無害聽
彼繁有徒蠅螋險如蜮亥蜂大如壺鉤卷

音拳

蠍刀利針

聚蚊雷麤刺蚝有瘁肌蠭尾有嗜膚昏昏蟲在裨趯趯
蚤躍襦偏人雖咄咄懷毒終區區惟蠅獨可憎其來胡
為乎汝於耳目前本不關有無汝狀極醜惡僵傀粧頭
顱赤情同一冠青蒼別形軀兩翼六其足公然學讒夫
汝生本臭穢行與糞壤俱只合老廁圊何當闖瞿瑜無

端附驥尾馳騁遊莊衢無端入絹素點染損畫圖有時集於爪學士羣睢盱有時止于棘詩人互嗟吁聲非雞則鳴例與狗苟呼此特論大概未足蔽厥幸客從長途來翻漿汗流珠解衣覬少憇喘息猶未蘇汝何太相逼伺隙窺門樞我眠晨未起汝偏攬牀敷我起頭未擲汝又環座隅我饑進盤餐汝貪善為狃我閒弄筆硯汝飽成墨猪汝腴我合瘦汝衆我則孤我欲廢飲食汝方混庖厨汝于我何尤抵死相迫驅營營感人聽有若操契

符貝錦抱萋斐不祥等狐鳥懷中三十璧點汚生瑕瑜
架上一卷書棄擲消樗蒲凡此皆汝罪誅之不勝誅逝
將避汝去行行復躊躇我力故難勝汝情諒應輸天下
正一家能母懷此都乘炎且快意吾寧忍須臾

移榻自怡園雨後納涼

水轉橋迴路幾層此中真可避炎蒸陰成繞屋三年樹
光吐疎籬半夜燈明月忽隨殘雨到微風已作早涼徵
野人慣領田園趣歸夢翻從借榻增

重過相國明公園亭四首

名園多在苑東偏不數樊川及輞川綺陌東西雲作障
畫橋南北草含烟鑿開丘壑藏魚鳥勾勒風光入管絃
何似贊皇行樂地手栽花木記平泉

球場車埒互通門徑寬閒五百弓但覺樓臺隨處湧
不知風月與人同紫駝臥草平沙外白馬穿花細雨中
一片近郊農牧地可容雞犬識新豐

莫漫閒居比洛濱猶從泉石見經綸栽花覘土知肥瘠

種樹因材識苦辛白傅龍門無俗客薛宣東閣有奇人
平生齒冷孫弘輩車廡誰論舊主賓

相國曾以唐實君文品上達宸聽

熱客稀蓬抵閉關陪游吾亦愛投閒隙中野馬飛揚去
雨後溪雲斷續還隱几好風來北牖鉤簾落日在西山
壯心敢擬蘭成賦芳樹條新感再攀

浴罷與實君步入水磨作

長日愁經夏微涼晚似秋氣蘇風到面浴罷月當頭老
樹聽蟬立閒溪領鶴游飲牛蕪洗馬何處辨清流

晚食

且喜蚊蠅少林深几簾涼飛蛾輕性命殘燭有光芒帶草侵衣潤藤花落酒香魚蝦供晚食風物近江鄉

雨牕遣興示愷功

小雨密復疎虛牕深更綠瀟瀟延靜聽宵宵盡遐矚抱葉無一蟬隔林下雙鵠雞鳴覺村遠水響知石觸殘夢有時醒幽情恍相續眼前領閒趣取適聊破俗華髮脫新梳輕衫便晚浴早衰易壯嗜外垢非內辱思營五畝

園未遂半生欲此身本如寄繆筭徒碌碌菟裘等蘧廬
豈必皆我屬不如且聽雨濁酒貰鄰曲醉鄉有天地避
此六月溽歸計待秋涼無裝何用束

鷹坊歌同實君愷功作

風林蕭蕭夏脫木坊以鷹名似牛屋其中最大名海青
戴角森然異凡畜我初識名自遼史特產曾傳女真獨
楷矢同來肅慎庭初時底貢猶臣服屢求難厭禍旋結
兩國興亡手翻覆天教此物雄海東自長窯離成一族

康熙

天子仁聖姿駕馭英雄兵不蹠每因纘武勤校獵遠致
奇毛比臣僕紫荆關外秋氣高狐兔寧容草間伏腥風
霍霍滿天地白日無光散原陸揚旛表貉出從禽王用
三驅力爭戮是時海青更精悍臂出綠韁調養熟飜身
一去高沒雲注目秋空走馬逐蹄間十丈莽開濶幕過
林巒躍坑谷忽看天半挾天鵝奔電流星下投速羽林
健兒拍手笑奏凱不煩遺矢鏃却來斂翮復依人仍以

黃絲掣雙足三時飼養一朝用如許恩波等休沐奉先
性在饑附人定遠功成飛食肉不知給俸視幾品肥瘦
論斤常量腹生牛乍割血猶紅小鳥一吹毛盡禿見人
作勢俄聳肩獨立有時還側目無端對此我心惻相向
移時額頻蹙獅兒噉虎魚食蝦吞噬成風傷末俗生意
漸微真可嘆殺機欲動休輕觸以仁易暴古所云恃猛
爭強非汝福我願皇天仁百物常產鳳凰生鸞鷟自然
郊藪萃禎祥盛世多珍四靈畜

次實君溪邊步月韻

雨過園林暑氣偏
繁星多上晚來天
漸沈遠翠峯峯澹
初長繁陰樹樹圓
螢火一星沿岸草
蛙聲十里出山泉
新詩未必能諧俗
解事人稀莫浪傳

大雨行

晚來怕熱喜聽雨
卧看商羊獨足舞
五更驚覺忽砰訇
搖動空城作雷鼓
檐前急溜非一派
併作飛濤湧堂廡
須臾暴雨漲床欲浮電
火燒牕時一吐沈沙盡作十里坑

斫樹齊張萬人弩排牆墮瓦聲拉雜助以風威猛於虎
老翁折臂婦裹頭露立號咷到童豎城門兩日不敢開
濁浪如河勢難拒五行厥占屬灾異疾痛況欲加摩撫
老夫昨日得家書見說吳田槁禾黍北方苦潦南苦旱
天大要是生民主可能造化一轉移坐使兩邦歌舞土

送唐實君遊江西

猛雨撼城城欲動粘天黃潦如霾霧阜城門外一丈泥
馬濺花鬢四蹄壅問君此時有底急結束輕裝挾飛鞚

故人奉詔赴西江才子持衡推小宋

時宋念功編修典試江右實君與之

同舊開東閣交最契攬轡南行邀與共文章取士意已

輕科目成名俗猶重如君致身本高第頭白挽強方命

中可憐進士不得進

李太白詩君為進士不得進

上積千薪

闕

競傳枳棘爭集猴縱有梧桐偶棲鳳紛紜野馬巧乘隙
狼藉醯雞工覆餗侏儒飽死方朔饑曷不江湖且陶縱
我留輦下大可笑妄覬微名上鄉貢初聞逐客姑逡巡
旋悔為儒被嘲弄吹竽鼓瑟兩難強貴蟲屠龍等無用

布衣有骨天所憐老大寧能逐儕衆惟君知我謂我真

往往清吟托閒諷郊園木牀連曲尺荷氣藤陰滿香街

二字出昌谷集 風光不礙冷澹遊日月正宜瀟灑送君今別我

忽徑去舍矢難追弦就控此邦山水要君詩豈獨飛雲

標畫棟匡廬舊有讀書地我昨留題滿巖洞待君再上

紫霄峰他日遊仙記同夢

姜西溟至都二首

三年一別兩蹉跎短策重聞酒市過白髮舊游諸老散

青雲同學少年多就居那得高賢廡支俸聊隨博學科
幸是一氈留故物曾包老硯歷關河

姜於滄州
被盜故云

濩落生涯久自疑重來笑我亦胡為曾從祖父承餘澤
只道科名似盛時逐客幸蒙寬後議憐才何敢望新知
不如蚤築畦風閣結伴歸畊未莫遲

晚行裂帛湖上觀水勢

西山前夜雨暴漲聲辟易昨日與橋平今朝露水柵晚
來覘盈縮又減三五尺一條脩尾蛇東向投遠碧菰蒲

盡偃仆上帶泥土迹我欲追蹤之前行沃磐石初疑遇
壯士拔劒斫其脊徑開中已折首尾猶跳擲却坐石上
觀平心隨所適有如杯底影仰面意旋釋人生駭愕緣
多伺躁妄隙歸來虛室中靜見鼻端白

甕山麓尋耶律丞相墓

梨帛湖東下馬行遙聞樵斧響丁丁盡髡草木非山罪
難向牛羊問墓名石椁千年誰不朽金椎一穴尚如生
我來忽墮無情淚土蝕殘碑恨未平明末有人發冢見
一頭加常人數倍

亟開之後掘得

碣石知為公墓

青龍橋

甕山西北巴溝上指點平橋接碾莊自梵清渠成石場
盡迴流水入宮牆殘荷落瓣魚鱗活高柳飄絲鶯頂涼
不礙蹇驢行雙雙有人緩轡正思鄉

玉田觀早稻

灌園餘潤及平疇千畝從無旱潦憂總桔已供三壤賦
陂池新奉上林游神絃報榮秋長早勾盾徵租歲倍收

別與幽風編月令築塲時節火西流

官田早米例於七月初十前貢新

廢功德寺

瓦落空牆土盡崩雜耕猶剩兩三僧晨參栢子留禪偈

夜看松花照鬼燈駐蹕亭邊牛啞草

明宣宗西郊省
啟駐蹕寺中釣

魚臺畔鼠攀藤

寺前舊有元主
貴花釣魚臺

木球斗大今安用

木球事見

帝京景物畧今
寺中猶供之

自古琳宮有廢興

呂公洞輪菴禪師蘭若

只道山窮水亦窮忽攀石磴與雲通芙蓉殿底三重閣

楊柳橋南一面風，老去文人多入道。從來絕境必凌空，
知君欲傲長江簿。佛號曾呼禁苑中

絕頂有飛閣不可上，即金章宗芙蓉

殿故址

玉泉山

銷夏誰知別有灣，孤雲一角截西山。千家舊業盡魚國，
十里提封虎豹關。欄楯離離金碧上，歌鐘隱隱翠微間。
清泉自愛江湖去，流出紅牆便不還。

玉泉山舊為金章宗避暑地，故首句

云

題相國永城李公所藏崔白健翮塵風圖

墨花一柄風翻荷一葉展仰正不頗傍添一葉作欹蓋
上有健翮如天鵠初飛未高去水咫已覺遠勢無江河
生絹八尺畫止此妙手落墨寧誇多流傳要是北宋物
幸免小印鉉宣和若教藏弃入秘閣靖康那得逃干戈
永城相國鄴侯裔牙籤三萬森駢羅故家世寶此其一
鑒賞精絕知匪訛華堂五月開示客几席瑟瑟生迴波
君不聞濠梁大圖徑三丈天女織絹鳳擲梭江天十里

尚無恙賴有好句傳東坡

東坡有題崔白大圖詩見集
中白濛梁人故稱濛梁崔

人間真蹟久難恃閱世容易千年過我詩淺薄不足道

請公自賦麌風歌

愷功將有塞外之行邀余重宿郊園賦此志別
今年夏多雨所向泥塗妨君家近水園一溪綠泱泱謂
宜著冗士磽戶延清光豈惟洗塵埃直欲忘炎涼故人
督我嬾促我赴舉場明知計大謬聊逐槐花忙初秋東
書出臨行意迴遑僦居宣武門人海茫茫猶疑清夜

夢流水繞我牀昨朝急足來扣門語彷徨聞子有遠適
結束隨龍驤腰懸八札弓行逐楛桂郎可憐非汝好所
用違其長憶子從我遊翩翩富辭章十三見頭角已在
成人行今來猛績學下筆尤老蒼貫穿及韓蘇結撰卑
齊梁居然希作者恥與時韻頑玉之使有成遠到詎易
量重來忍言別戀戀林泉傍為我掃庭除故榻仍在房
小雨灑籬落雜花間紅黃苦為一宿留故意不可忘子
才百事能皇路今方將我衰萬念冷逝當返畊桑浮萍

寄波濤聚散原無常參辰渺河漢耿耿遙相望勗哉平
生言卒以初願償無為愴離合萬里如一堂

早發良鄉至琉璃河驃背偶成

喚迴殘夢得清晨詩境重開又一新淡到明河猶見月
洗來灰洞已無塵灰洞在良鄉之南牛蹄應鐸行偏緩馬意驚
鞭策要頻慚媿琉璃橋下水鬢絲催換十年人

涿州道中書所見

折葦沈沙積潦餘高田成岸岸成渠胡良河上扶犁叟

網得萍根二寸魚

祁陽道中

一村榆柳一村鴉
帶井沿籬路向斜
野棗風輕時落實
木棉秋晚尚開花
青旗賣酒竿竿影紅
袖騎驢幅幅紗
迴與近畿風景別
田莊從此屬農家

八旗莊戶至
清苑而止

晉州署中與陳六謙話舊

魯析聞邾境本連雨
邦爭說使君賢

晉州與深澤接壤

歌傳馴

雉民方樂鳥化飛
鳧吏亦仙却話舊
遊如夢裏誰知岐

路判樽前難拋一寸西牕燭中有離居十六年

雨中重渡瀆水

路僻泥深出店遲一鞭光影又清瀆敝裘自領新寒意
歸雁如尋九日期倚樹風聲尤跋扈得烟柳色尚迷離
敢因遇雨嗟行役正是犁荒下麥時

大冉橋聞雁

殘荷老柳蕭蕭意秋在平橋水氣中年去年來一繩雁

殢人歸信是西風

時聞北闕榜發

余名在二十

重至京師和德尹看菊詩二首

野景貪從廟市收瓦盆高下蕊新抽
風前最愛香盈袖醉後還須插滿頭老圃別傳移種法故人來作看花遊
遲開自是闕天意斟酌芳期在晚秋

一籬黃葉擁村莊嘆惜陶家徑久荒九日已過初泛酒
兩人相對忽思鄉古來佳節多風雨此後清吟耐雪霜
落帽臺邊回白首心情不似少年狂

送卓次厚南歸

多才能自愛失意問誰堪不作憤時語轉深吾輩慙柳
條攀欲盡梅信到應探鄉思因君觸心隨候雁南

陸澹成侍講新葺書齋名懷鷗舫招同人雅集
分賦

江湖宛在小牕前便欲從君借榻眠夢作白鷗歸未得
鱸鄉亭外水如烟

題畫贈揚州王漢藻

一路垂楊記泊船北湖南埭水浮烟君家舊住茱萸浦

別築灣頭小艑川

揚州有茱萸營故云

德尹將南還次韻志別三首

數過初冬又一旬誰知咫尺有參辰到家歲月驚新歷
題壁詩篇記暮春雨雪暗侵搖落候冰霜偏老別離人
獨留真覺無聊賴擬學揚雄賦逐貧

自笑逢時術未精人間無用是虛名家門似我慚為長
才器如君合晚成別館能無三宿戀歸途只要一冬晴
最憐今夜霜天月畫角吹殘布被輕

小榦三升貰凍醪也應與爾慰牢騷不因富貴思彈鋏
或有英雄辨捉刀風雨憒曾憐弱弟田廬忍便委兒曹
丁寧一語煩相誠畫虎休輕學伯高

大風出西直門至自怡園愷功方擁爐讀史

萬斛沙如萬斛潮捲空殘葉剩枯條到門日影龍蛇活
拔地風聲虎兕騎十里欲迷城北路一鞭重渡苑西橋
圍爐薄雪年時夢留取閒人話寂寥

題王令詒松南柳磯圖三首

自截筠竿八尺餘偶從沙際伴春耕人間果有絲綸手
未必臨淵便羨魚

曾是春衣染汁新一官臨出又逡巡萬條楊柳風情在
猶戀當年手種人

三畝菱租割水田披圖閒惜好山川歸人預作明年計
欲借橋東放鴨船

洞庭秋望圖為同年姜西溟題

我昨扁舟帆去聲湖水出沒鷗羣鳬隊裏西風吹偃萬梢

蘆斗柄挿空將北指

庚午秋冬間余寓居洞庭東山

君時正作桑乾客

南北相望渺千里念君落第招君歸已是明年三月尾

其秋我復遊廬阜走上雲頭振衣履海綿片片盪吾胸

奇絕生平乃有此洞庭直可盆盎貯七十二峯同撒米

有如天半立峨眉下視成都居井底君為此圖母已隘

細寫秋毫入側理男兒失路真可憐澤畔行吟聊復爾

今來又赴京兆試失固其常得差喜與君同榜獲聯名

王後雖卑吾敢恥却披橫卷索新句一笑如皋方射雉

才名誤汝四十年決踵何堪比截趾

至尊久已記名姓虛向蘭臺署良史探支官俸月一囊
揮灑儻書日千紙須長及腹誰攬之髮白滿頭行老矣
向來蹭蹬天有意特與先生慰暮齒眼前同進俱少年
感歎無端從此始翻思舊狎漁樵伴故展烟波洗牕几
不然此畫且善藏勿更題詩乞餘子

座主侍讀徐公將南歸感恩述事六首

公竟飄然賦遂初輕裝如葉稱懸車自編永叔歸田錄

誰上何蕃伏闕書臘寒消傳蓋後春飄夢穩挂冠餘
白頭別有千秋業或恐名山勝石渠

特簡初傳出禁林文章曾結

主知深敢云得馬非初意莫誤飛鴟是好音魚尾經燒
憐短鬚桐材入爨辨孤琴恩牛怨李翻多事只要羣公
識此心

貫魚立鵠萬人看盡掩雲羅事最難那得高才皆入彀
每聞餘怒必衝冠向來清議寧隨俗從此朱絃恐廢彈

不信滔滔將日下江湖無計障狂瀾

水底含沙豈有因何當舉國逐浮塵
險經負羽沈舟會勇作抽帆到岸人難挽
頽風歸太古獨迴天意入陽春漁樵一席誰爭得私第歸來尚角巾

虛舟飄瓦閱人情得失心恬氣自平
駿骨孰緣千里重鴻毛公視一官輕
同朝盡諒憐才意

聖代能全去國名怪底青衫添別淚
十年門下舊諸生絕無聊賴住京華
年去空歌蘇幕遮枯樹忍攀前度柳

新霜誰護後栽花愁來客況渾如醉身在師恩豈有涯
贏得陸公為舉主儘容開口向人誇

毘陵楊青村謁選得普安令王石谷為作黔遊
圖索余題句兼以贈別

萬尖石筍高刺天日氣挾霧生黃烟盤江中截兩崖斷
高繩一道虹蜺懸尋橦裊裊度空際下有千斛蛟龍涎
普安孤城小於斗險扼地勢當黔滇城頭置堠城下驛
官舍坐見行人肩楊君一官乃落此幸是熟地無迺遭

憶君年當十八九白面便已能談邊趨庭萬里不辭遠

直過瘴嶺隨飛鳶

辛酉夏秋青村省其尊公秋屏憲副於貴西官署余時遊黔始與相識

是時西南屬兵革郡邑疾苦方顛連爾來休養踰十載

瘠土已變桑麻田

朝廷況下寬大詔積賦逋稅新除蠲君今乘傳又重到
何異鴟化雙鳬仙畔烟散人好事者遠境寫入秋毫顛
山川歷歷都在眼我愛此景非從前小詩或可當別操

待爾譜入琴堂絃

寒夜同王令詣魏水村顧書宣家可亭姪集楊

晚研庶常齋分韻得寫字

官閒門徑僻歲晏人事寡厭俗謝交游往還惟舊雅僦居適相近踏凍免騎馬巷北召王猷巷南邀魏野顧生住西弄寓舍喜新假我至每劇歡招呼臂同把北風吹天晴城上烏啞啞寒光發初月殘雪猶在瓦此時不作達可惜白玉筭地菘翠成菹水族鮮製鮓盤餐媚鄉味口似墓頤哆隣沽雖稍甜轆飲亦聊且晚研以不得佳釀故其詩有濁

酒甘同昵
悲人之句

我生類知分即事有取舍疋如熊掌魚那得

兼二者十觴竟連齶塵面為一褚主人負詩才劈紙給
揮灑敢辭押強韻數子賴陶冶吟從夜枕續卧聽街鼓
打所恨不善書當令阿買寫

僕舊有青田凍石一枚歸晚研六年矣頃遇范
子方仲於京師范精於篆刻許為我摹小印而
此間覓佳石不易得意欲晚研反我故物作詩
先之

鑿石雕蟲魚此舉誰作俑後來琢山骨價比大小珙匹
夫懷奇珍惴惴初抱恐連城既入趙負曲敢虛擁和璧
竟歸秦陋邦手徒拱自茲嗜好捐萬事成闌茸殘編任
飽蠹退筆詎銘冢空憑咄咄書硯乏纖纖捧何當餘結
習往往吟肩聳好事偶分牋塗鴉每慚悚丹砂綴小印
紙尾母已冗范子故見嗤利敝寶非種擲地作石聲從
旁乃慙恧當時巾笥蓄有若蛾化蛹去我今六年居然
戀新寵刻舟勞記劒觸物心猶竦昨日聊叩君機鋒鬪

針孔秘藏戒輕出防我或好勇攫之寧非顛健者豈惟
董輸攻力易竭墨守計仍鞏不如且姑緩靜俟天倪動
奇巧出窮人詩端忽噴涌明朝走尺蹠待命不旋踵盟
渝怠壞舊歸視汝田重在我猶在君報章行及奉

晚研見和前篇謂余有新蓄壽山小石援東坡
海石之例欲以此易彼重違其意割愛分贈二
枚再次韻速其踐諾舊石之歸有日矣來翰有
邀令詣水村書宣三子屬和之語兼以示之

假道蓋有由丘端實始備君如早識此堅壁却吾珙逡
巡不入境下邑方惶恐奈何昧厥初納賂覬私擁青田
吾重寶掌握失把拱豈無他山攻頑礦棄紛草壽山快
新得餘子欲奪家炯然珠玉光入掬似可捧圓者廉角
殺方者風骨聳昨偶出示人旁觀盡驚悚老夫喜省事
羅列稍嫌冗因憶巨璞完吾家有遺種作詩乞故物致
語極慙恧兩日縈我懷有若絲纏蛹君初非豪奪繼乃
絕矜寵故以文滑稽發端特高竦錙銖責施報計笨到

桑孔平生怯小敵今見大敵勇肯為城下盟執筆恥南
董相持兩不決京索成皋輦飛書奏竒功小利戒輕動
叩關索敝賦彼勢猶洶涌割愛忍須臾禮成門欲踵中
原有好會信義隣邦重後約勿更渝槃敦吾將奉

門神詩戲同實君愷功作四首

賺得兒童仰面看彩纓袴服最無端國門他日曾懸價
駟儻何人敢賣官丞相魚魚工擁笏將軍躍躍儼登壇
星奴結柳翻多事五鬼爭彈貢禹冠

揚眉氣色任充間比較門風孰不如幾見華楹留故帖
偶繙新歷當除書闈能拒客非關汝錢可名神儘讓渠
久閱人情吾勿怪過時光景合交疎

虎豹森森列幾行誰教骯髒倚門旁通侯湯沐虛傳漢

陳平封戶牖侯贈事用鐘魚鑰同時司啟閉雀羅

終歲有炎涼相逢白日多魑魅乞與先生却掃方

庚彥歌裏撥寒灰歲酒逡巡醉一杯凡鳥有人題字去
冥鴻幾個挂冠回好官第宅多相望野老柴荆肯浪開

直與歸人占吉夢也煩呵護不祥來

敬業堂詩集卷十七

欽定四庫全書

敬業堂詩集卷十八

翰林院編修查慎行撰

白頻集

起甲戌三
月終六月

甲戌二月將出都作詩留別諸同年座主清谿公
見而垂和有下第情懷刀劍傷之句蓋用東野詩
語也時公亦將南旋買舟通潞命余隨行東野不
又云乎棄置勿復道楚情吟白頻他日舉以似公

公曰子庶能自廣矣

下第南歸留別同年姜西溟廖越千劉大山王

崑繩李若華諸子二首

一顧人間事不輕敢將汲引望公卿
張羅天遠鴻雙去
彈鋏心粗劖一鳴誤喜青燈回昔夢
枉煩芳草勸初程
歸人別有看花約明日騎驢便出城

明知歸計尚茫茫且作無聊別帝鄉
下第兒還添客累
當歌酒或替人狂膏肓痼疾貧難療
須髮流年老易傷

聚鐵峩堪頻鑄錯早收心力事畊桑

虞山錢劬谷屬題采藥圖二首

小年長日正遲遲
算是樵柯欲爛時
大抵人情多好勝
偶逢仙敵亦爭棋

玉柱金庭境久閒
頗聞巖谷異人間
長鏡誰斬雲根斷
片片飛來盡出山

奉陪座主徐公遊一畝園次吳京兆韻

履綦陳迹已多時

乙丑秋先生召同人於此地雅集

十載重游醉不辭

初綻柳如時態軟未開花為閏年遲罷官樂事苔邊杖去國閒情局外棋又是一番寒食過餚簫聲裏雨如絲

張灣舟次留別姚君山別峯兄弟

久作京華客今知去住難老方隨計吏名不上春官別酒青燈戀離程白髮拚眼明楊柳岸稍喜見梔竿

馬坊口大風送劉大山還京次座主韻

明波如鏡瀉天津忽捲狂飈萬斛塵酒色難寬臨別恨楊花只似未歸人家貧不信貪為客母在尤應重此身

重過杏園休悵望等閒狼藉道旁春

天津別姜西溟次韻

同是春風失意時送君真覺拙言辭杜陵旅食經年久
熙甫才名一第遲青鏡從渠增算髮白身輸客賭殘碁
老來別緒兼師友那得并刀剪亂絲

晚泊獨流

關城春向盡小艇下津門風止橋形直潮來水氣渾蒲
魚喧晚市櫻筍憶鄉園歸路三千外從人屈指論

滄州阻風謝別峯同年餉酒二首

風程半日滯滄州客恨除非醉即休安得春江變春酒
薩摩波外水如油

青旗夾岸酒家樓正坐囊空價莫酬慚媿貧交分一斗
為余親典黑貂裘

大龍灣阻風奉次座主原韻

有聲南來猛如吼白日無光移卯酉荒灣曲岸萬木僵
摧折萌芽比腐朽蛟螭勢奪虎豹窟塵埃居前砂礫後

舟行逆水兼逆風或跋其尾或掣肘天公如醉意未豁
人事徒施力何有先生晏坐百怪恬萬籟無心發于喟
已憑忠信涉波濤更列圖書環左右詩成一笑自投筆
卧拓篷牕見星斗江河日下是知津高浪攤錢輸水手
青春忽忽乍經眼平野茫茫一回首此時看客挂征帆
何異癡狂中風走乘流習坎吾有命底用旁觀別妍醜
熟諳世路忌爭先飽閱人情能耐久蹉跎不負遂初計
神睨先生亦良厚檣烏斂翅旗脚迴頃刻雲衣變蒼狗

鄉程有期行漸近梓釘嘉魚樽貯酒朝南暮北待公歸
肯讓山陰採樵叟千點桃花一葉萍鷗波正漲苔溪口

德州同年李文衆招集見可園二首

東風有約出京華
弭櫂相尋到天涯
得地百年因種樹
留春一日為看花

明 日立夏

亭臺縱好須賢主

子弟多才必

世家直得此間成茗芋
甕頭墨露不須賒

墨露德州名醞也品在盧

酒之

槐陰小徑轉閒坊
猶記田家舊草堂

田紫綸司寇禹津
草堂去文衆居半

里余去春同康飴過之歸路重經疑昨夢名園欲別惜韶光濃熏

酒氣茶簷架翠滴苔痕薜荔牆最愛一軒幽絕處紫藤

花草讀書牀

四月十五夜鄭家口對月以江清月近人分韻

五首

孤舟淹旅程初過平原郡樹色燕帶齊河流衛交汶可
憐一輪月偏與愁人近已經連日風更怕宵來暈一笑
起推篷清光吾有分

余得

近字

明月窺我船我影在船牕我起却望月影落玻璃江人
影與月影無端各成雙泡幻豈有情妄見生紛龐不如

抱影坐閉目心自降

右和江字

風止波亦息濁流同一清小杓夜分江龍頭注茶鑪須
臾波心月却向杯底生我醉竟吸之謂是方諸精孤光
入懷抱耿耿留空明

右和清字

隣舟悄無聲高卧如避月此時欹舷歌撫景更清越密
疑穿荇藻細可數毛髮微風蕩酒襟涼氣入詩骨紈如

打五鼓篷舡猶未沒

右和
月字

京城豈無月昧日多飛塵從公作上元忽然涉殘春扁舟落吾手日與魚鳥親始知天壤間清輝屬閒人行行莫回顧永結江湖隣

右和
人字

重過臨清感舊

傷外舅陸射
山先生也

重經淹泊地往事獨心驚客路貧相倚歸舟病不輕百年隨夢斷孤月傍愁生流盡州門淚潺湲是水聲

初入牕

河縈千里曲岸東一門高不有乘流便誰知上暉勞木
痕深記筭石眼密容篤笑指長年說吾舟聽汝操

次日連上戴灣土橋二暉晚抵梁鄉和座主韻

一月郵籤算水筒快從入閘奏竒功柳綿渡港船船雪
麥浪翻田岸岸風尚有貽封尋晏子梁鄉屬堂邑也不教
龍吏惱韓公河神伎倆全無用鼻息如雷耳正聲

阻暉

健水分支總入漕客程守暉似填壕忽飛瀑布簾垂地

旋滴珍珠酒壓槽鵝鴨淘沙還善沒魚蝦出網竟如逃
人間行止原難料小住差償昨日勞

聊城和座主作

談笑封侯事不難西歸仍作布衣看紛紛眼底皆商賈
只是人情戀此官

南旺分水處

一綫分鼈背千帆掠馬鬢江河方日下南北此居中水
氣空灘雨槐陰古廟風兩朝溝洫志但策轉漕功

即目二首

關吏逢迎堠吏譁飛流一道走京華綱船果熟盆池樹
驛路香馳御苑花長見名材充土貢幾聞中使出天家
荔枝龍眼隨年例笑指炎荒萬里賒

子弟梨園舊賜絳樓船南下疾如飛波濤畫擁鼈鼈舞
惟蓋恩深犬馬歸桃葉何心隨短楫楊花多事打春旗
就中別有青衫客聽到琵琶淚暗揮

韓莊閘口望嶧山湖

嶧山鑿石東作堤天勢半落陂湖西湖波吞天入豐沛

日脚挿地生虹霓

湘西沛縣為

芒碭雲氣忽斑駁倒影摩盪

青玻瓈須臾水光變深黑涅盡萬古蛟龍泥洪濤怒挾
風雨至列岫出沒頭皆低呂梁直下二百里但見漁舠
散亂隨鳬鷺琴高可跨吾徑去誰能卧壓篷底同鷄栖

新河

別穿地脉轉龍腰新挿荒堤柳萬條故道視同甌脫地
小兒爭唱復陂謠陽侯受職工粗就幽鬼啼墳骨已銷

莫道治河無善策主恩存歿冠羣僚

出牕後順流揚帆

牛頭灣接貓兒窩小船出牕如擲梭客程已過十六七
歸夢尚隔江淮河鳴鳩催雨麥秋近貰酒配魚蒲節過
黃流正報落槽信更喜枕上無驚波

天妃牕

淮勢今年盛洪河不敢侵濁流三舍避清漲一篙深督
眼移蘆汊回頭失柳林生來供作帚容易待成陰

王楚士惠鮆魚二首

南歸一飽願無餘正及江淮五月初值得老饕開笑口
河豚嘗過又鮆魚

辛苦漁榔逐飯鮮江城一尾賣千錢朝來下箸還三歎

半月前頭遇貢船

四月杪在濟寧
鮆魚已入貢矣

雨後過馬寒中山居

君家葫蘆山我家菖蒲港山淺游可屐港狹行礙榜塘
南十里餘野色平於掌田塍針水足夾路新苗長兩夫

肩一輿四足比雙槳前行忽坐睡縹渺入無想漸聞竹
樹聲出谷遞清響到門山亦住斗室寬且廣尊卣間圖
書目存不暇賞主人為指似一一開疑網我老嗜好蠲
因君覺背癢興來乍飛動偶發難自強昏昏燈吐籬灑灑
灑酒浮盞不辭日過從所願歲豐穰明朝雨決渠濕氣
潤流礮奄觀早稻熟後約赴秋爽

原蠶行

村東村西桑葉綠頭蠶不熟二蠶熟薄於片紙白於脂

五月南風齊上簇。纏車聲中湯百沸。出釜持將易斗粟。
去年苦旱秋不登。民命全憑寸絲續。我聞周禮有成法。
一歲不容種再浴蠶。多害馬理或然物類區區別田畜。
國家官馬百萬強。惜新監督煩曹郎。
口外官馬設內務府郎中歲收馬矢。
變價歸惜薪。廄原蠶微利。幸無禁勸汝。努力須裁桑。田夫暑雨多咨怨。不如且喫蠶娘飯。

秋鳴集

起甲戌七月盡十月

蟲之鳴秋候至適。然爾而昌黎以為物不得其平。

則鳴余非善鳴者也特假蟲之鳴以自文其詩若云其志弛以肆則吾豈敢

送王子穎赴龍游教諭任

子弟芙蓉幕先生苜蓿伴儒風吾土近師道此時難屈首居貧地安心送老官所欣賢尹在臭味定如蘭時繆良是以名進士為是邑令故云

朱竹垞表兄屬題小長蘆圖用阮亭先生體賦

五六七言絕句各一首

君住鴛鴦湖懷古鷓鴣浦

一統志云鷄鴣湖在海鹽西南四十里今其名無可考當

即黃道湖去

余居十里同為簾笠翁貫聽菰蒲雨

種魚三畝五畝隈水前溪後溪認得隣莊老樹草堂在

鶴巢西

白首初辭供奉班一身那不愛投閒江湖老伴多星散
知已無如父子間

德尹閩歸戲調之

蘆橋楊梅已過期別來鄉味剩空枝八千嶺路到家日

算是荔枝初熟時

補和大司寇徐公遂園修禊詩限蘭亭二字二

首

別起林園十畝寬築亭何必更名蘭杯流細浪魚鱗活
花補新巢燕羽乾春事無如三月好人情特去一官難
吳中父老矜稀見每到佳期約伴看

獨擅千秋著作庭文躡光透老人星官同白傅歸仍蚤

樂天以刑部尚書致仕

史到溫公局未停妙手成圖初見畫高僧

入社亦忘形 分明洛下風流在 不數詩家曲水亭

清流山瞻支公塔

石路秋花艷沙田早稻香壞牆連廢寺古塚表平岡境
寂蟬聲合松高鶴骨涼永和年號在苔蝕不成行

天池山寂監禪院

荒榛下接瓜芋區微徑漸上多紫紆山果甘垂紫桑椹
僧厨脆淪紅竹茹山中所產味最佳三間古殿石將泐一眼碧
泉秋不枯我來登眺試脚力且喜未用青藤扶

過文與也竹塢草廬

坐閱滄桑五十年不知顏狀已蒼然世家文物傳詩畫

相國衣冠傍墓田

文肅公未第時讀書丙舍
喪亂後即附葬贈公墓傍

亂竹巧遮

行樂徑濁流閒送出山泉丈人有福能高卧一榻秋陰

萬樹蟬

夜至當湖訪李辰山不值

風色晚尤惡扁舟逆浪翻渠添浸稻水雨熟種薑村遠
火欲投岸孤城將掩門到來還躡躅疎磬報黃昏

沈客子舊寓都門所居名獨樹簃自撰七言古詩曹實菴錢玉友湯西崖皆有和章今來索余補作仍次原韻

沈子清才在塵埃有如菡萏生淤泥又如服鹽駕鼓馬下有逐電追風蹄青衿蚤為命所制百甕未了酸寒鑿三年四門作都講啄粒亦到官倉梯人中嵇紹本易識孤鶴氣壓千羣雞家家朱門當大道澗獨隘巷尋卑棲歸來欠伸眉礙戶一笑入戶頭仍低空庭得樹翻自喜

有渰仰視雲萋萋忽驚霜禿九秋幹旋見雨長三春荑
墮巢晨拾赤脚婢落葉夜掃長須奚問君此間亦何樂
乃挈稚子攜山妻狂來對客發高論麈柄手捉談天犀
北郭槁枝聊隱寓東方宴數真滑稽孤松祇宜伴彭澤
五楸大可娛昌黎翻身買櫂竟南下野性終近深山麝
故園喬木正合抱町疃旁接澆花畦昨非今是恍夢覺
涉腳尚淺幸未迷伐檀河干等無用美哉河水清漣兮

塘西訪張介山病

十年小別隔江淮重叩溪南煮藥齋醫可活人偏善病
閻非拒客況吾儕名場交作吹蘆冷老境詩同歎蕉佳
一髮弁山青到眼吳興游屐與誰偕初意欲約介山
同游湖州故云

哭同年王載安

判袂京華半載餘扁舟歸造故人廬不圖別後遊難續
只道秋來病已除五畝未曾營世業一名無復上公車
讀書已悔生涯誤還望孤兒讀父書

張權六招同許舜功王載南兩學博及兒建泛

碧浪湖徧遊近山諸寺觀次東坡汎舟城南會
者五人韻四首

葑田秋漲碧鱗鱗依舊清風起白蘋且喜此遊容我輩
不知當日定何人五人者自蘇而外皆不著姓名鱸魚入饌羹尤美鷗

鳥迎船意亦馴載取烏巾名釀去黃甘寧數洞庭春

木樨香透老僧齋爽氣宜人樹樹皆詩興賴君多撥觸
秋光為我洗塵霾嶮山客到茶如雪箬水船移酒似淮
已辨芒鞚斑竹杖丹梯隨意轉雲階

道峯負石還兼土遠岫當牕晴可數花到秋林不喜紅
竹生幽磽何妨苦平鋪稻望翠千頃高引嵐烟青一縷
斜陽緩緩送游人出谷猶聞上方鼓

佳處溪山意未厭塔鈴一角響風簷烟波野渡初迴棹
燈火河房半捲簾愛客不嫌官獨冷過時誰道日長炎
敢誇豪氣除難盡痼疾聊從好友砭

雨中奉陪座主徐公及韓丈子遂放舟夾山漾
欲游棲賢不果歸登峴山作四首

過盡迴溪十里長孤城回首漸微茫風腥曉氣魚蝦斷
水減秋痕鷺鷺鄉菱蔓欲牽絲已脆荷花雖敗葉猶香
船頭忽指前遊處白塔紅亭認道場

夾山漾在道場山之陰

野色天光入望奇融成一片綠琉璃展開手卷王濛畫
收拾才情杜牧詩畢竟清遊宜寂莫尤難好景是迷離
桃花莫被漁翁誤秋在斜風細雨時

選勝初期汗漫遊棲賢不到恨空留橋低忽礙尋山路
興盡非關冒雨舟瓦竈分泉烹紫筍印泥開甕試清芻

買田合向吳興住蟹舍魚莊一網收

亂石多成劈斧皴窪樽亭外勢嶙峋一州文物傳孤碣

逸老堂明世廟朝鄉先生劉南坦顧箬溪創碑尚存

前輩風流剩兩人屏擁弁山

高簇簇簾鋪雪水細鱗鱗名園長泊鷗波畔

一座主新買舟名秋

水細數陪遊第幾巡

中秋鳳晨堂讌集

吳興我初到風景值清美縱為冷澹游亦戀佳山水矧
迺多良朋盍簪履錯趾十日九放舟波光嵐影裏夜歸

漏必下旦輒扣門起如此以為常行期難準擬中秋節
漸近未到先屈指朝登鳳晨堂少長各就齒森然敬愛
客未覺肴核侈是夕雨忽晴天容出新洗華燈挾朗月
漱灑落杯底倒影射空堂濛濛烟霧紫談諧雜絲竹觴
政不暇理我醉問主人雅集歲凡幾答言良會難雲散
波旋委自從庚申後十四五年矣

庚申春吾邑陳寄齋來作社集同學

近無多含情俟知已此邦富人文槃敦軌牛耳耆英洛
下子弟高陽里往往前輩交久要或在此平生好求

友出門失桑梓落魄肯見收同心庶堪倚溪山勿吾笑
來往自今始

鄭春薦唐殿宣諸子招集湖舫二首

萬株老柳陰猶綠四面青山影欲沈此段秋光真冷落
孤山不泊泊湖心

誰遣秋娘來喚渡忽攜風雨到尊前老夫借得纏頭費
無數跳珠盡入船

明日再飲春薦宅座有漢姬吳人也姿性明惠

臨別口占四首

故人道我風情在別選紅粧勸酒卮不料窮歸無好句
累他羅帕乞題詞

絳蠟花開照卸頭眼波入鬓却橫流問渠肯顧含何意
一笑千金異日酬

落拓生涯大可憐江湖人老杜樊川倦游雙鬢無多白
白盡紅燈綠酒前

風雨催人向婺州輕裝半月箕歸舟富春江外無潮信

鴉舅霜紅在晚秋

時余將
注金華

雨發江干

皛皛江光去昏昏海氣連雲沈離岸樹風漲落潮天熟
路便孤客輕裝稱小船十年遊跡在重檢舊詩篇

富春舟中先寄桐廬學博吳鹿砦

朝發定山村暮投富春渚清江帶小郭檣影稀可數已
飽挂帆風猶聞滴蓬雨山環水疑盡水轉山復吐本為
寂寞遊未覺應接苦桐谿喜漸近中路有賢主

劉南村署齋同鹿砅夜飲二首

浙西山水縣最好是桐廬地僻本無事君才長有餘秋
林聞割漆晚岸見罾魚許我來相就嚴陵好卜居

故人多薄宦邂逅見交情燭院三更話風江半日程山
肴蒸栗熟法醞帶泉清醉裏騎官馬星光照出城

舟次桐廬聞唐實君補授儀曹喜而有寄

謁選初聞欲赴秦

唐已選朝邑令
奉旨特留

改官特荷

主恩新起家科第原難料得路文章洵有神東閣游揚

因客重南宮期望感君真欲知喜動江湖色忘却身為失意人

嚴灘早發

紛如鼓打巖頭戍催起栖鴉天未曙飛星過水如有聲
苦霧迷津忽無路長年眼昏心手熟已報前灘暗中渡
遠氣朧朧日射穿秋光紅上嚴陵樹

由蘭溪縣坐茭白船晚至金華

疎林野岸開平遠漠漠江天秋向晚陸龜蒙鴨戴嵩牛

一帶村家供畫本赤松門外問長年指似金華小洞天
偶然走入羊羣裏去作人間狡獪仙我與初平稱莫逆
重來已是千年別可惜巖頭乏主人亂山依舊堆頑石

登寶婺樓

斗杓倒插勢凌虛高出城端五丈餘一雁下投天盡處
萬山浮動雨來初別開戶牖通呼吸旁引風雲入卷舒
八詠門荒詩境改讓他仙子占樓居

金華趙鹿友明府招同家春谷兄賞菊

四先生里古金華循吏如君自一家早稻喜嘗豐歲酒
秋庭閒放午時衙官同彭澤宜栽菊客到河陽許看花
猶勝寒潭貧博士朝朝巖洞訪烟霞

春谷兄時為府學教授故戲云然

歸舟雜咏六首

湯溪蘭蕊及秋香覓本猶煩遠寄將多謝故人先損惠

兩頭載酒作重陽

教授兄許覓秋蘭見寄舟過蘭溪陳進士紫馭以名酒相餉故並及之

南遊何事太匆匆及取歸帆半月中轉盡清溪三百曲

萬株烏桕一霜紅

恨不清江處處灘一聲鳴櫓下奔湍來船莫妬歸程速
我亦曾經上水難

昨到金華洞口還明朝又看浙西山風前自覺衣衫重
穿過千重濕翠間

青山漸遠漸糲糊散入雲烟澹欲無畫手稀蓬王子久
詩家別寫富春圖

滾滾秋濤浩浩風烟茫茫處雨濛濛不知誰割東西界
半幅江山展越中

初換烏篷船

濤江日夜攬秋天聽雨聽風那得眠莫怪朝來貪晏起
烏篷夢穩越人船

山陰道上

道德經翻晉永和書家好事例傳訛至今似帶羲之癖
風俗村村愛養鵝

重陽前一日至越州自太守以下地主無一人
在郡者即日返棹作此解嘲

夢寐平生慕越州偶然訪舊作東遊半醒半醉他鄉酒
黃葉黃花古郡秋九日溪山無地主一天風雨在歸舟
此身到處初乘興興盡誰能更强留

晚至西興

魚菱論斗米論斤蟹膏擘臍鼈割裙豐年亦覺旅食好
一飽媿與居民分詩人好游無定處乘流則行得坎住
吳山滿眼待登高暮雨西興挂帆去

贈紹興太守王憲尹

千巖萬壑浙江東典郡聲華迥不同七十葉傳王內史
二十石視漢三公誇人詩句蓬萊上寓意文章山水中
誰似先生觴咏地蘭亭原是舊家風

閱邸報知揆愷功改官翰林侍講喜寄二首

邸報傳來遇絕奇才名一日動丹墀不矜官爵由門蔭
獨愛文章結

主知跋鼈敢爭騏驥路拙鳩休奪鳳皇池未妨小變平
生格從此須工應制詩

知子無如我最真性情長與一編親有才畢竟難埋沒

此事曾經共苦辛草閣孤燈回白首荷塘昨夢隔紅塵

記去年銷夏事沈吟為感傳書意可少當時唱和人

時愷功屢馳札促余

北行東江已補官禮部故並及之



敬業堂詩集卷十八